

Rycond Santos do Nascimento y su partido Lucha pa Reforma (LPR) ta cla pa eleccion



Den un entrevista cu Bon Dia Aruba, Rycond Santos do Nascimento a sigura cu ta bay participa den eleccion aworaki cu su partido cristian democrata Lucha Pa Reforma (LPR) cual a keda institui na juli di aña pasa ora a pasa un proceso y su registracion a keda cla.

El a splica cu nan tin un ekipo cu varios candidato aunke esaki a bay di un forma basta silencioso segun e ta conta, pa motibo cu den caso aki “mester actua cu strategia tambe y no ta tur prensa ta gusta lo cual mi ta skirbi, p’esey nos a traha cu basta cautela y aworaki nos por bisa cu nos tin candidatonan, programa di partido, mensahe y nos ta diferente cu e otro partidonan,” el a sigura.

Den su opinion, partidonan di oposicion actual tin un influencia riba nan y nan ta trahando den conhuntio, esey ta haci cu no por haci un diferencia entre por ehemplo, Accion21, Futuro y MAS “tur tres ta mesun style, mesun pensamiento y no tin diferencia,” e ta sigura.

Su preocupacion ta cu e tres partido aki “no tin ni un interes pa adresa e problema structural di e pais y e manera cu por wak ta hopi cla, ta cu

a nan no kier papia di e problema di AVP tampoco, nan kier papia di gobierno actual. Pero gobierno actual ta parti di nos gobernacion pero si bo kier problemanan structural bo mester wak e pais desde 1986 y awor bo tin un otro cuadro pa bo busca con e pais aki a ser goberna.”

Ta conoci cu Do Nascimento ta ser cuestiona den algun media local por medio di diferente declaracion cu el a bin haciendo, como por ehemplo, cu un persona condena pa corrupcion “no ta algo normal, no ta aceptabel y no ta cos pa celebra.” Ademas, el a defende minister di Finanzas, Xiomara Maduro contra atakenan di partidonan di oposicion, algo e ta sigura cu “Problemanan financiero di awe a ser crea desde 1986. P’esey e KB na 2015. Xiomara a logra catch up cu atrasonan crea durante 30 aña, logrando loke ningun minister di finansa a logra: entrega di tres presupuesto consecutivo na tempo y tur tres cu surplus. Esey ta haci reduccion structural di nos debe nacional posibel.”

Debi na su opinion, el a ser cuestiona y hasta señala cu e ta bay forma parti di partido MEP “pero esey ta atakenan di Patrick Paskel y Speed Andrade contra mi persona pero e punto ta cu ora nos ta wak e pais na e punto aki, cu nos mester wak for di un perspectiva na largo plaso pa asina ey por reconoce cu e pais no ta bay bon den area di Finanzas publico y e no tabata bay bon riba area di integridad, hopi corrupcion.”

Den esaki, tin e intervencion di Hulanda na 2015 “y e tin un impacto grandi pasobra

for di e momento ey nos tin supervision financiero, na 2017 a haya cambio di gobernacion y esey tambe tabatin impacto positivo pasobra den gobernacion nobo bo ta pone finanzas publico como algo importante y a pone bon gobernacion combati corrupcion tambe,” e ta señala.

Ora pandemia di Covid-19 a dal Aruba, Hulanda a bin cu exigencianan extra den e Landspakket lo cual ta exige reformanan “ora bo ta wak tur esfuersonan aki cu a ser haci for di 2015 pa awor, bo ta cuminsa wak e frutonan, tres presupuesto entrega na tempo cu a ser entrega tambe cu surplus, bo ta wak cu parlamento di Aruba a haya hopi mas informacion cu ever por a haya den historia di pais aki. Analizando esey, bo ta wak e trabou estrecho cu tin pa ree-forsa nos sistema hudicial, ekipa Ministerio Publico, pasobra bo ta wak mas caso pasobra Ministerio Publico ta mas ekipa aworaki,” Do Nascimento a bisa. Pero esaki ta un trabou cu mester continua segun loke e ta indica.

E problema pa cierto periodistanan, manera e ta sigura ta cu “AVP no ta den e posicion pa haci nada ni riba parti di Finanzas publico ni riba parti di combati corrupcion, pasobra nan a demostra cu nan ta hopi willing pa critica y ataca tur corrupcion cu tin di haber contra partido MEP pero ora ta pasa un corrupcion den cas, e partido ta keda keda. E ora bo no ta serio pa ataca corrupcion.”

Lo cual Aruba mester aworaki manera e ta sigura, ta cambianan structural y no ta scucha ni un caminda pa combati corrupcion unda cu awor tin un ley di Financiamiento di Partido Politico y un ley di

CRISTIAN DEMOCRATA
Centro-derecha

E pensamento politico di **LPR** ta completamente diferente. E pensamento politico di **LPR** ta Cristian Democrata y **centro-derecha**. Algun caracteristicanan di un Cristian Democrata di centro-derecha ta lo siguiente:

- Marco moral y etico:** Nos ta kere den un marco moral y etico. E esensia di cristianismo ta promove baloranan manera honestidat, integridat y respet pa dignidat humano. P’esey nos ta contra petronahe politico, nepotismo y corrupcion. Na mes momento nos ta para pa e proteccion di hende, su bida, su libertat, su salud, su biena y su dignidat.
- Identidad cultural y nacional:** Nos ta kere den nos identidad cultural y nacional. P’esey nos mester enfatisa preservacion di nos herencia cultural, idioma cu disponibilidad pa cooperacion cu nos hermanan islanan, Hulanda y mundo.
- Baloranan di famia y comunidad:** Nos ta kere den baloranan di famia y comunidad. Famia ta e fundameto di sociedad. E objetivo di politica ta pa sosteni famia y fortalece bapato di comunidad. Esey ta refusa su henter comunidad, incluso islanan, tin un rol importante den un pais. Pa e reasonan aki nos ta para firme riba e punto cu e hogar ta e primer sitio. Nos ta kere cu hender ta hender y mester ta muer. Ademas nos ta para contra matrimoniu di mesun sexo.
- Cuida nos medioambiente:** Nos ta kere den cuida nos medioambiente. Tin Cristian Democrata ta boga pa mayordomia, cu ta encara bon maneho financiero, pero tambe maneho responsable di nos medioambiente, reconociendo cu Dios a duna hereda y tambe cu cuida di nos planeta y henter naturaleza.
- Subsidiaridad:** Nos ta kere den subsidiaridad. Esey ta refusa cu nos mester resuelve asuntunan cu nivel mas cerca di e famia posibel, segun pa empoderar henter e comunidad, iglesia, prensa, comercio y institucionan civico. Esey tambe ta refusa cu nos ta aproba nos relacion cu Hulanda, siempre en cuanto a relacion ey no ta kere cu responsabilidad di trabou pa un mihor futuro pa nos pueblo.
- Economia di mercado cu aspecto social fuerte:** Nos ta kere den un economia di mercado cu un aspecto social fuerte. P’esey nos ta sosteni comercio y propiedad priva, mientras cu nos ta proteha e interes mas vulnerabel manera esun cu ta lapa su mes den dificultad financiero.
- Husticia social y solidaridat:** Nos ta kere den husticia social y solidaridat. P’esey nos ta boga pa un politica cu ta promove relacion social fuerte y proteccion pa esnan menos afortunado, bina riba e esensia cristian tocante e dignidat di cada persona.
- Democracia y estado di derecho:** Nos ta kere den democracia y estado di derecho. Nos tin un compromiso firme cu e principianan democratico, y p’esey nos ta pre-referendum y dialogo. Na mes momento nos ta boga pa respet pa nos leyman, cuminsando cerca nos ministerman, garantizando asina gobernacion transparente, cu ta duna cuenta y cu ta husto.

Amil Rycond, ta un Cristian Democrata. Un **centro-derechista** ta balansa un economia fuerte cu responsabilidad social, combinando un postura conservativo riba asuntunan social cu un compromiso cu e bienestar social-democratico. E ideologia aki ta crea un sociedad mas husto caminda prosperidad economico y husticia social ta bay man den man. **Lucha pa Reforma** ta un **movimento** pa cambia Aruba profundamente: basa riba e principio Cristian Democrata pa haci Aruba prospero di berdad.

Screening di Minister. Pero di mesun manera el a defende minister di Transporte, Ursell Arends pa loke ta trata e situacion cu taxistanan caminda Do Nascimento a expresa cu partidonan di oposicion tin un agenda y cu “a mi si ta apoya e esfuerso pa mitiga e corrupcion cu a tuma luga pa motibo di poder demasiado grandi pa ministerman, esey ta conta pa un minister cu tin Transporte den su cartera, pero bo ta wak cu e mesun origen di soborno y corrupcion den caso di Benny Sevinger y den e caso di Paul Croes.”

Pa loke ta trata su puntonan principal pa su plan di campaña, el a bisa cu maneho di medio ambiente y maneho di desperdicio mester di un solucion lo cual ta nifica cu mester di un ley pa regla lo cual ta maneho di medio ambiente unda por acapara po-

lucion di aire, awa y tera. Banda di esey, combatimento di corrupcion unda mester enfoca riba e poder di e ministerman “pasobra den pasado tabatin yen ex-minister cu tin un boca grandi tocante integridad y combati corrupcion, manera Otmar Oduber y Marisol Tromp pero un di e problemanan ta cu ora e ministerman tin poder demasiado grandi, eynan e corrupcion ta tuma luga.”

Papiando di su candidatonan cu lo subi su lista, Do Nascimento a informa cu tin candidatonan riba e parti preventivo, cu un plan di accion riba salud. “pero esnan cu kier sa mas di nos, semper keda pendiente kico nos ta papia di dje, caminda den un flyer nos a enumera e principianan basicos di e partido, despues di entregamento di lista nos lo public e programa di partido Lucha pa Reforma.”

Aruba tin un Ombudsman, pero ta keda duda riba imparcialidad den e proceso

E siman aki, finalmente Aruba a huramenta su prome Ombudsman, mr. Jurima Bryson. Un desarojo sumamente positivo y cu a tuma un tempo hopi largo. Sinembargo, na mas di un ocasion Bon Dia Aruba a expresa desacuero cu cierto parti di e ley cu ta institui e Ombudsman, pa loke ta nombramento di e persona, cu no tabatin pakico di bay manera el a bay.

A trece esaki dilanti den Editorial dia 10 di juli 2024, titula “Gobierno ta pone, y... Gobierno por kita Ombudsman...?” E problema cu e proceso di nombramento ta cu e partidonan den gobierno ta vota pa esun cu nan ta desea. Maske e proceso aki ta legitimo, e no ta e miho manera pa cuminsa e trayecto di Ombudsman.

Pero tambe si ta pone bista riba e funcionamiento y eventual retiro di un Ombuds-

man, unda, banda di leynan standard pa retiro di funcionarionan publico, ora nan haya problema cu husticia, articulo 6, inciso 3, ta bisa: “Staten por retira e Ombudsman, despues di conseho di Raad van Advies: a) si pa motibo di enfermedad e ta incapacita permanentemente pa eherce su funcion; b) ora e, segun huicio di Staten, a traves di actua, o keda sin actua, ta haci daño grave na e confianza poni den su persona.”

E problema aki ta cu facilmente e mayoria gubernamental por ignora e conseho di Raad van Advies – algo cu ta sucede frecuentemente, y si tin intencion caba di retira Ombudsman, un conseho negativo di e organo di Conseho no lo pone nan cambia nan pensamiento.

Ademas, e formulacion amplio di “haci daño grave na e confianza den su persona” ta habri caminda pa hopi interpretacion. Si en general e

Ombudsman mester tuma posicion fuerte contra un mandatario of e Gabinete, cu por resulta hasta den caso den corte contra gobierno, no por confia cu e gobierno al mando na dado momento no lo haci uso oportunista di esaki.

A pesar cu a celebra e institucion di un Ombudsman finalmente pa Aruba, e dudanan aki ta mitiga e confiansa cu realmente lo trece un cambio positivo pa pueblo di Aruba.